

四庫全書

子部

欽定四庫全書

子部

續名醫類案卷

四十三至
四十三

詳校官_臣醫院醫官_臣姜晟

編修_臣倉聖脈覆勘

總校官編修_臣王燕緒

校對官中書_臣劉源溥

謄錄監生_臣陳箴

欽定四庫全書

續名醫類案卷四十

錢唐魏之琇撰

小兒痘目

徐仲光治一兒痘后目黑睛初起細白點大便順而日
脯潮熱有用鷄胫肝花粉威靈仙煮食其瞳神即高
腫突出白睛紅腫徐用瀉青丸煎服兼用羽皇散五
六劑而愈

一兒白睛生翳漸掩黑睛連用去風去翳涼血清熱等藥不效即用瀉青丸及羽皇散間服數劑而安

鷲不食草

鹽酒焙乾

白蒺藜各一兩 谷精草石決明

各二兩 旋覆草 蟬蛻 川芎 龍膽草 各五錢 羊膽 三

個 蜜丸每服二錢 鹽湯下 羽皇散

萬密齋治蕭別駕女痘后不戒厚味其俗有病者必服附子食雄鷄靈關元戒之不聽后兩目出淚爛弦此毒發於肝肝火旺也或曰目上下胞屬脾脾亦熱乎

曰此因淚出不止浸淫潰爛也乃用瀉青丸去大黃
加柴胡黃芩密蒙花蜜丸服半年而愈

雷邑丞孫痘七日倒陷已與發出毒猶甚欲解其毒中
氣素虛又致倒陷欲補其中恐助毒火又傷其目不
如節飲食適寒溫以待自安不聽乃服參芪溫補之
劑後兩目俱盲

王司訓子痘後兩目畏明此肝火太旺宜服瀉肝散加
柴胡蟬退黃芩初一劑用酒浸大黃乃畏苦不肯服

果成內障目盲

蕭氏子痘後目有白翳曰此痘癍也治之無功果盲

徐淑道痘不靨用陳氏木香散一服曰誤也必損目矣

果盲其一

周氏女痘後目閉不開曰痘順無餘毒必羞明症也乃
試之向暗則開向明則閉不流淚此肝火邪未除耳
用羌防歸尾川芎柴胡蔓荊密蒙花生甘草淡竹葉
一服目開遍身痘癍腫凸再用四物湯加荆防人參

連翹甘草而愈

周氏子九歲痘後出外忽頭腫兩目不開此非毒乃風熱也用羌防升柴芎歸藁本蔓荊細辛甘菊黃芩治之愈

王肯堂治從子懋鋳痘後兩目生翳羞明持甚窻牖皆以衣被覆蔽就明展兩眸視之則白膜已遍覆黑暗睛淚如泉涌嬰科眼科投藥不效束手告技窮矣乃閉戶而思目者清陽之所越也忽焉而有翳膜是濁陰

犯之也濁陰安敢與陽敵故羞明特甚乃以黃芪助清陽之氣為君生地當歸養目真血為臣羌獨防芎芷甘菊薄荷升清陽黃芩猪膽汁車前茯苓降濁陰為佐仍間服瀉青丸八劑而目開翳已去矣凡眼科點洗藥概屏不用橄欖核磨汁敷上皮而已蓋嬰幼柔脆點洗之藥必有所傷故也

費建中治一女三歲痘稀而綻突紅潤似可弗藥但烈熱如炮叫喊不絕左目掀腫如桃以大黃生地荊芥

甘菊赤芍黃連木通地丁青皮自三朝及十四朝始
身涼回好目亦無恙

痘 唇口症

徐仲光治一兒痘稠密未起發而唇先黃熟目先虛閉
咽喉腫痛不能飲食徧身痘俱平暗幸正頰勻朗眼
眶口唇雖腫而紅活以甘桔湯加牛蒡連翹山查荆
芥陳皮人中黃等清利咽膈解其脾毒而愈

一兒痘四朝稠密未起脹而口唇先黃熟乃內潰之惡

候必為唇刺幸餘痘光澤脚斂脾雖受毒根本猶固
以補中益氣湯去白朮加牛蒡連翹山查繼以保元
湯理中湯而愈

一兒痘稠如綴粟平塌嬌紅血散不附唇口腫硬剝落
一層又一層皮薄空漿破如血汁漉瀉煩渴皆為逆
候但能食安靜有胃氣也用參朮連谷二錢日進三
服十四朝肢厥脉沉靜如死狀痘皆倒靨心胸尚溫
收日漸甦而愈

痘口疔

徐仲光曰一兒患血熱痘後身發熱口臭成疔潰脫上
齧門牙左顛盤牙唇紅乾裂左頰下亦紅腫如發毒
狀湖州沈三春外用柳陽散加葱汁酒漿調敷腫處
若面腫而帶青紫色為實熱必成馬疔潰頰不治矣
今雖腫而紅活知為另發癰也內服犀角羚羊角黃
連黃芩元參生地牛蒡桔梗甘草白芍花粉木通紫
花蒂丁及牛黃散一二服或煎銀花一兩入廣膠一

錢間搗甘菊花根葉汁沖入服之面腫漸平身熱漸退外吹牛黃一分珍珠三分黃蘗青黛人中白礪砂猪膽製各四分不易斂加烏梅炭三分血竭二分龍骨一分因體虛又加人參象皮灰三黃製蘆甘石各四分又常以醋調雄黃末軟筆點入潰竅中延至月餘而愈

痘咽痛

徐仲光治一兒患血熱痘先用寒涼芩連犀角起發灌

漿頭面身背俱濃但兩腿面凹陷不起用參芪托之
反見熱渴燥煩大便溏泄多次咽喉腫痛改用清咽
利膈山豆根麥冬川貝桔梗元參防風僵蠶山甲當
歸白菊紅花生地山查陳皮蚯蚓牛蒡川連黃芩甘
草而愈

一兒痘後咽痛壅塞不通此餘毒留於心肺邪熱不泄
風痰壅盛先以桐油探吐服駝原散甘桔湯連翹牛
蒡射干元參而愈

一兒痘後真陰不足二火上行咽喉腫痛有以寒涼治者愈而復腫原其火為寒鬱先以附子理中湯驅其寒次宜壯水之主六味地黄丸加知母麥冬元參治其本治外吹葛槿散而愈

一兒痘後脾胃不足陰火上炎咽喉腫痛以四君子加甘梗知藥川連牛蒡而愈

一兒痘後咽喉成疔以柴葛地蜈蚣等分煎成加犀角磨汁和服而愈

萬密齋治馬氏子五歲痘不起發曰此順痘也毒甚者則頭面腫毒微者則頭不腫非不起發也又呼咽痛曰此痘家常病喜喉舌無瘡頸項間痘稀不足怪也以甘桔湯加牛蒡子煎細細咽之咽痛即止

痘瘡

萬密齋媳李氏年十八痘成膿時經水忽行下血塊且多未踰日猝失音問之但搖頭垂淚凡痘帶黑歸腎宜有猝失音之症今已成膿飽滿紅潤何以有此逆

症思之良久乃得之經云婦人重身九月而瘖者少陰之脉不榮於舌也手少陰者心也心主血諸瘖皆屬於心瘖毒之火內起於心迫血下行故經血來也舌者心之苗血去則心虛不能上榮於舌故舌萎縮而猝失音也乃以生血散去五味子加當歸生地服之頓愈後以十全大補湯調理而起

蕭氏子三歲出痘將靨時忽失音啼哭有聲但言語重濁不清亮曰此肺熱也以甘桔清金散服之而安

痘發核

徐仲光治一兒痘十朝外左上齧潰爛外頰紅腫外治
用抑陽散同葱汁酒漿搗敷每日一換不用紙封內
服紫花地丁花粉生地丹皮元參山慈菇貝母翹防
芩芎桔連芩歸芍先以銀花一兩煎汁煎之頰腫口
疔漸平月餘忽發夜熱左腮下生一核大如李色白
按之而疼外治硼砂一錢五分膽礬五分麝半分燒
酒薄薄調勻新筆醮塗內服芩羌翹芩甘芍元參前

胡貝母膽草山梔亦以夏枯草一兩煎汁煎之連進
四五劑而愈

痘
腹痛

徐仲光治一痘未盡出而腹痛嘔腐吞酸大便酸臭乃
飲食停滯也保和丸二服而愈

一痘起脹時不易行漿肢冷腹痛乃血熱症而過冷劑
理中湯加肉桂木香炮薑一劑而愈

一痘後傷食腹痛本中氣不足宜補瀉間施香砂保脾

九又補中益氣湯調理而愈

一痘後能食易化腹痛此胃熱易饑脾弱不能消磨鬱積而痛也補中益氣湯加芍藥木香黃連治之而愈

一痘漿足不易靨腹脹發熱面赤午後益甚按之腹不痛乃脾虛血少也歸芍六君子湯加陳皮棗薑數劑而愈

費建中治錢銓部女平時內熱柴瘦仲夏痘而熾熱腹
痛異常不能轉側口極穢紫滯稠密但不細碎幸初

起毒雖惡未有定位以大黃四錢石膏七錢生地六錢黃連一錢佐以山查荆芥葛根赤芍桃仁地丁紅花地龍臨服和猪尾膏盞許服至六日色漸肥紅放白腹痛少緩餘未減仍前方至九日漿甚充而腹痛熾熱尤甚眼封而角流血譫語不寐不食前方加犀角倍大生地石膏減猪尾血臨服以化毒丹調入牛黃一分硃末二分十二日頭面發臭方日進粥三次皆挽許而腹痛與熱依然至十八日始大轉自始至

終一方收效如此治驗多矣聊舉此以概其餘

痘 腰痛

徐仲光治一庠友年十八初熱腰痛点發在頰角紅綻
光澤心經順症非腎逆候亦宜滋腎六味地黄丸料
加杞子杜仲與升發之藥間服痛止痘出至六朝煩
渴譫妄唇燥舌黑睡卧不寧此乃腎水不足以制火
也保元湯加歸芍冬杞棗仁龍眼肉間服八味地黄
丸加麥枸杞漸愈 有一症同但補陽而不滋陰竟

枯涸疤粘不脫而死

一兒初熱腰痛如折此折腰痘也強以荆防敗毒散發
出點如蚤斑口鼻出血而死

一兒初熱腰痛連背脊不能轉側點見左耳側及腰左
一點如筋頭大平而紫又舌中心一點疎而黑此腎
毒逆候也急以四牙散發出紫黑點五日死

一兒孟夏發熱腰痛甚見點稠密紫黑幸有神而胃氣
強元氣實雖逆而尚有生理四朝以四牙散一服又

化毒散送下地黄丸二服次日痘起但色未轉以黃連解毒湯加柴蒡歸芍地黄而愈

一女年十四痘正漿足忽腰痛不能轉側此經血去多之故六味地黄丸加歸芍續斷杜仲治之而愈

一男子年十八痘後四十日外忽腰痛極兩手撒撒目開無光汗出遺尿喉聲如鋸六脉浮大此恣慾房勞而陰陽離決也以艾灸氣海六十二壯四肢活動又以獨聖湯頻服及八味地黄丸而愈

一男子年二十痘後腰痛左尺脉微弱房勞所致也以八味地黄丸補中益氣湯相間服而愈

一痘不起而腰痛繆仲淳用人參蘆三兩煎服一吐而痘起痛止毒在下吐以升之吐有發散之義也

廣筆記

一好痘綻朗而色淡紅兩腿痛甚腿亦屬腎此陰虛而毒乘之也活命飲二劑痛稍止十全大補湯六味地黄丸間服而愈此症不早治及四肢厥冷則變黑變紫而死與腰痛之逆相不可輕視之也

一兒痘後足脛痛甚不紅腫氣血虛不能榮養筋骨也
歸芍四君子湯加牛膝獨活苡仁桂枝連進數服而
愈

一兒年十四痘後腰脊痛不能俯仰午後潮熱此骨髓
枯少水不勝火腎氣熱也灸崑崙穴中脉穴各三壯
又以六味地黃丸加獨活及補中益氣湯間服而愈
萬密齋治一富家子年十六患痘發熱腰疼問曾婚否
曰未也連進人參敗毒散二劑痛止痘出而安若曾

有房室者不可治也

或以大劑生歸與之必有拿手琇按

李季虬曰顧叔夏次郎出痘而先腰痛予斷以不治果

殤施季泉曰凡成婚或破陽後出痘而腰痛者可療

童子而腰痛是先天之水不足也不治

廣筆記

費建中治章繼美年近三旬季冬忽腰如杖昏憤如迷

問之不答身體振振肉腠筋惕痘之象也但腰如被

杖其症必逆用大黃山查各六錢青皮羌活桃仁各

二錢佐以荆芥乾葛元參乘初起預攻庶望轉機於

萬一若見痘腎已受傷無及矣自申至卯連服二頭煎次早發出如芥如砂色焦紫上下無容針之隙形色既逆神情又惡辭勿治因苦懇乃用大黃八錢石膏一兩黃連二錢生地兩半佐以荆芥羌活葛根牛蒡紅花桃仁蟬蛻等加白頸地龍每劑十條又以豬尾膏半盞和入連進二劑次日如芥如砂并焦黑色即退顆粒分明紅活但密而神昏熱熾前方服之九朝雖圓綻如硃漿黃如臈而昏熱如故大便日六七

次而不暢水米不沾議者謂寒涼大過曰如果蕩滌傷胃則氣血乏矣漿何由得至十日正面有回意仍不思食乃用大黃石膏各一兩生地兩半黃連山查四錢佐以牛蒡荆芥甘草十二日胃忽開神爽熱和十五日諸症悉愈痂如松皮後又口疳齒牙幾落又服牛黃硃末并黃連解毒湯十餘劑漸愈月外又發血風瘡身無完膚此腎傳脾故為輕症將百日始霍然是症當危疑之際旁議紛紛幸病家有識故得收效云

痘
手足

徐仲光治一兒痘後滄泄腿腫睡卧不寧足三陰虛也
四君子湯加陳皮歸芍枸杞澤瀉石斛川牛膝繼以
八味丸而愈

一兒痘後勞役痢雖愈而脛膝結核成鶴膝風此足三

陰虛邪襲之也驅風散間八味丸

苡仁牛膝
兔絲當歸

一兒痘先從脚底出起逆上至頭面回至心窩內攻而
死此症早治俟其頭面出齊重用升提保元湯加川

芎及先護心以黃連解毒湯一劑使其起灌收痂自
上而下可保無事

續名醫類案卷四十

欽定四庫全書

續名醫類案卷四十一

錢唐魏之琇撰

痘膿期

徐仲光曰一痘養漿而內却無水乾涸空虛此氣虛伏陷也若得人事清爽飲食如常痘無損處宜補中益氣湯歸茸湯主之若喘脹嘔泄煩悶外剝者不治一痘漿充滿根血淡紅痰涎壅盛日晡潮熱皆謂氣

不足以保元加芎歸貝母陳皮治之不愈不知此乃陰虛火甚生痰也以六味地黃丸料內加參附肉桂溫之而痰絕熱去又與補中益氣湯而愈 一痘漿充滿痰盛少食便澹此乃脾胃虛弱不能運化精微津液凝滯所致以六君子湯加炮薑 一痘漿足忽泄瀉身冷自汗此乃脾胃氣虛也以保元合附子理中湯愈或加肉果 一痘漿不易充足而色淡白亦脾胃氣虛也以大保元湯主之又歸茸湯益之 一

痘漿足而色不易蒼騰乃脾弱之故脾主結痂也用
保元加白朮白芍陳皮官桂蓮肉收厚靨而愈若收
如麪薄只以參苓白朮散主之一痘七日無漿倒靨
獨根窠斂束以保元加山甲官桂又以水楊浴洗頭
面手足良久復起成膿而愈 一痘九日平面平塌
無漿自口以下俱紅綻能食便溏乃元氣不足不能
上升於面以保元加白朮白芍官桂肉果升麻十一
朝空地補出贈痘俱行漿又與異功散而愈 一痘

正面漿足結痂身肢無漿能食便溏完穀不化乃脾陰不足不能以充灌用參朮白朮散加附子兔絲肉果又與河車散而愈 一痘八日空殼無漿因氣血不足不能振作以制其毒用補中益氣治之發疔四五處而愈經曰發癰發疔者生也 一痘八日倒靨灰白色泄瀉煩渴咬牙寒戰此乃氣血虛寒也以異功散治愈若治之不止反加昏悶者死 一痘八朝頂陷漿滯不行色見焦紫乃風寒壅腠理氣滯血凝

之故宜升提發散之劑內服紫蘇飲外浴水楊湯使藥氣藉湯氣上升毒隨煖氣而發若兒弱只浴頭面手足痘即光潤隨服補中益氣湯調理凡用此湯須量氣血充足的為風寒所閉則可浴若浴后不起又加悶亂者死 一痘養漿時昏睡不甦便澹能食乃脾主困因便而脾虛倦怠而昏睡也歸脾湯加白芍山藥米仁蓮肉愈 一痘漿充足忽爾一齊結痂乾紫能食便調此是火迫而收之太急乃倒靨也投以

補兼攻發之劑十四日四肢腫痛成癰膿成毒化若不食便澹噦噎則為內虛倒靨毒歸於內喘脹而卒一痘漿不易充足根血赤色煩渴溺瀆舌燥便秘皆云氣虛而津液不足以保元加麥冬治之愈甚漿滯不行此乃血熱未解溫補反助其邪乃火盛水涸之義更以犀角地黄湯又四順清涼飲利之前症悉平漿滿而愈經曰毒未盡解而溫補則毒蘊盛而不能化漿也 一痘九朝而死棄之沙灘視其手足動

掣色雖焦紫形尚綻突乃毒火悶瞽一時而死得水
氣而火滅故復甦也抱回治以犀角地黄湯而愈
亦有得土氣而解者 一痘七日根窠赤痛便秘溺
瀆煩躁飲水或用清解之劑未應乃熱毒內鬱也以
大黃當歸赤芍甘草之類一劑又與犀角地黄湯而
愈 一痘養漿時大便下血或尿血或神昏不醒或
多睡蓋心主血血虛邪乘而入心神昏亂之故宜犀
角地黄湯安神丸若治而不及者至二十日而卒若

毒盡外出當以補中益氣湯加麥冬棗仁 一痘漿
足膿俱紫黑熱甚便秘乃血熱毒壅也以黃連解毒
湯加翹芩愈 一女季春患痘妄言卓立日夜不得
眠睡至七朝尚未安寧視其形色俱順而妄言卓立
者心膽火熾也以犀角地黃加柴胡龍膽治愈

萬密齋治汪氏子痘出膿成時頭面腹背皆飽滿惟手
足自肘膝至掌指猶未起發曰脾主四肢此子脾胃
何甚弱也乃由去胎失乳故用建中湯加黃芪防風

一服盡起脹作膿矣其家信奉魯湖黑神此子寄名於神未出痘神先降壇云吾保汝子痘出必少至是痘出甚密乃以計逐之使去

痘 曆期 附痂后

徐仲光治一痘漿足結痂忽爾紫黑穢氣也以十全大補加木香治之而愈 一痘收痂厚而乾黑身熱咳嗽乃風寒容肺也麻黃湯得微汗而愈 一痘痂如麩薄粘皮不脫昏睡內熱乃脾虛少血之故以調脾

養榮湯治之 一痘收靨乾黑粘皮不脫身熱煩渴
睡卧不寧有以氣血不足大補之四七日枯槁而卒
一痘如前以犀角地黄湯加翹芩治之火漸減而
諸症悉平痂疔漸脫而愈此乃毒火彌熾之故經曰
火盛則水涸此之謂也 一痘痂厚而乾黑粘皮不
脫身熱煩渴謔語妄言睡卧不寧乃陰虛火甚也以
四物湯合生脉散加棗仁 一痘清漿結疔如麩乃
正氣不足不能化毒盡解以補中益氣湯加山藥治

之兩曲池發癰成膿而愈 一痘靨淡白如麩便溏
減食乃中氣不足用參苓白朮散加肉果陳倉米愈
一兒九歲出痘勻朗紋突九日漿足能食便溏乃
恃其順而恣與之食以致肚腹脹痛停漿色滯用消
化藥而便行安和痘漿不長乃食物雖消正氣受傷
當與調脾益氣助漿收斂竟不從治延至十四日漸
內虛倒靨漿復化為水而始行補氣不效喘脹而卒
一痘至十日十一日頭面將結痂膿漿尚未充足

只是氣虛不能托毒於外急以木香散加黃芪蟬退而愈 一痘十二三日上身已結痂下身尚灰白不充滿頭溫足冷以木香散加附子酒芪而愈 一痘至十四五日偏身結痂而充但是足下未焦寒戰咬牙以十全大補湯加附子愈 一痘至十五六日膿疱充足當痂不痂又作寒戰咬牙只是不足治以溫補 一痘如前頂突根綻此是陽火有餘胃氣大熱也服白虎湯一劑而愈 附一痘痂脫盡正頰一痘

潰而不斂四九日作痒破出臭膿而聲啞悶亂而死
痘痂盡脫頭上一痘不斂二十八朝忽痒甚出蛆
蓋許亦聲啞悶亂而死

萬密齋治胡氏長女痘甚密膿成過期不靨此女平日
脾虛食少性不服湯劑以錢氏異功散加木香青皮
蜜丸未飲下調理而安

胡氏子痘甚密膿成不靨漸至潰爛自起發以來未得
大便此裡熱鬱蒸故不成痂欲下之彼謂此子素弱

不可下時有術士符水甚驗乃書一符焚而服之少頃腹中鳴而利下清水衆皆稱妙因思久未更衣豈無燥矢至次日痘益潰爛乃用膽導法下燥矢三十餘枚如彈子大衆又笑曰此法更妙痘即收靨至腰又不收蓋大便下后人未行也再用膽導去燥矢十四枚后皆溲屎痘盡收而安

一小兒因渴飲水過多濕傷脾胃不靨以四君子湯人參補中白朮燥濕茯苓滲水甘草解毒加防風以勝

皮毛之濕白芷以逐肌肉之水桂以利關節而去寒
水之邪砂仁以溫胃止渴調理而安

一小兒大便不通熱蒸於內而生濕致浸淫不能成痂
用當歸稍生地以涼血麻仁以潤燥酒大黃以瀉熱
開結生甘草以和中得利而安

一小兒泄瀉不止食少此裡虛不能成痂用陳氏異功
散合肉蔻丸而愈

蔡氏子痘密膿成過期不靨面瘡潰腫起止呻吟嗆水

吐食語音不清或謂不治視其面瘡腫起正在貫膿
遍身皆然非倒靨也嗆水嘔食者口唇腫硬吞燕不
便非咽喉潰爛也語音不清者鼻中壅塞氣不得通
非失音也瘡毒盡表病裡和可治也用苦參酒浸牛
蒡白蒺藜何首烏荊芥穗等分為末酒糊為丸淡竹
葉煎湯下調理而安時隣居一兒症同謂不可治或
問故曰彼過期宜靨此未成膿不宜靨一也彼腫脹
猶實膿血此則面平目開皮脫肉乾二也彼喉舌無

瘡此則咽舌潰爛噎水失音三也彼私與蔡氏求藥服之無效死

胡氏女十三歲痘甚密或與參芪大補之二十日後過期不靨已潰爛幸非倒靨乃溫補過多裡邪盡出表毒不解急宜解表勿使皮肉腐爛不信又踰五日不收乃用荊防升麻以解表白芷以蝕膿逐水連翹牛蒡甘草解鬱蒸之毒肺主皮毛因黃芪之補肺熱已甚時值夏火正旺之時用黃芩以瀉肺中之火解時

令之熱調理一月而安

盧文學妻李氏痘甚密未及成膿面瘡自破皮腫膿聚氣多腥臭過期不靨飲食漸少鎖喉嗆水曰形症俱惡恐不得痊二十餘日殞

一小兒靨后又出一層小痘其家驚憂曰佳兆也痘科云輕者作三四次出大小不一等重者一齊涌出此痘最輕且無餘毒發已盡矣果然

吳氏子三歲出痘毒氣有餘穀氣不足食少故不靨也

問服何藥曰無藥可解能食則生不能食則死次日
思食所食且多曰死急矣問故曰謂能食者久不食
而今思食自少加多胃氣復也今忽多食乃胃敗火
盛邪火殺穀名曰除中出傷寒論猶膏之將滅必大明而
后熄死在旦夕也果然

一小兒屬后痂皮不脫曰此脾肺二經不足也蓋脾主
皮毛脾主肌肉其氣不足故痂難脫用錢氏異功散
加黃芪桂而愈

一兒痘后一身盡靨痂皮盡脫惟頭與足不靨曰此常
候也不必治蓋諸陽皆聚於頭乃陽中之陽謂之孤
陽諸陰皆會於足乃陰中之陰謂之寡陰孤陽不生
寡陰不育所以頭瘡不收者孤陽無陰也足瘡不收
者寡陰無陽也久當自痊但遲遲耳

說文
明允

一小兒痂落后其痂色白曰此氣血虛也肺為氣之主
其色白當用參芪大補之劑否則有變不信謂痘已
收完何變之有一月后大喘而死

雷邑丞孫痘落痂月餘面癍凸腫今始發洩也凡毒自
內而外者吉乃用當歸稍赤芍荆防連翹牛蒡元參
蟬退升麻作散淡竹葉煎湯調服安

一小兒落痂后癍內凸起作痒此風熱也用人參敗毒
散加荆防一服安后有患此者用荆芥敗毒散加人
參服之外用水楊湯皆效

一小兒落痂后癍腫復成瘡久不愈此痘毒瘡也由犯
手搗搗不得自脫故皮肉受傷而復作瘡以苦參丸

與服效

一小兒落痂后癩毒不平曰痘家戒食薑恐厲不齊癩不平也問之果然

王氏女痂落遍身盡白色不紅日夜啼哭遍身潮熱不思乳食曰此症若不急治或一二月或二三年必致成疔而死不信后果歿后其子亦患此令服十全大補湯數劑又與三合湯治之其熱即退哭亦止痂肉色盡紅方止藥入服加減八寶湯全愈

一小兒已脫痂初無他苦一醫視其目睛無神帶白曰

不可為矣逾日亡

廣筆記

痘

附伏倒陷靨痘

徐仲光治一血熱痘初失涼解至五六日方服芩連歸地翹紅纔起脹灌漿至半漿又不服藥九朝變黑歸腎面唇腰脚皮內俱黑仍用前藥加金汁及人牙散勢少緩又用黃連生地紅麴各錢木香三分燈心錢次日加犀角連翹黑色俱散唇眼俱清前方連進四

劑而愈

萬密齋治吳氏子磊落紅活順痘也其兒脾胃素弱起發畧遲或謂其氣虛妄投陳氏木香散一劑痘轉平不起又投陳氏異功散一劑再延視不可為矣

李氏子四歲出痘十日后痘頂平陷根窠紅紫昏睡不食不可救也次日死

吳氏女痘將膿面上有乾靨者犯倒陷逆症乃用參芪甘草節歸地赤芍銀花牛蒡連翹麻黃酒蜜拌炒黑

紅花子水煎服山甲末且告之曰服后若先乾者復起作膿未乾者肚壯紅飽滿空處再出小痘上也不作膿不補空或發癰腫次也否則不可為矣連進三服已乾者不腫未乾者飽膿空中補出不多手足發癰后以十全大補湯加銀花連翹調理而安

雷邑丞孫五歲出痘衣以厚綿圍以厚被日夜向火任其飲酒未七日而靨面目至腰潰爛平塌無作痂者曰此非止是倒靨也亟用疎裡解毒之藥減去衣被

勿近火飲酒方保無事以黃芪白芷排膿托裡防風
蟬退以疎表青皮桔梗以疎裡牛蒡甘草以解毒一
服潰瘡復脹大便膿涎此毒氣中外無留矣戒勿再
藥恐生化病也

董氏女年十九臘月半出痘至歲終不得收靨精神已
昏飲食俱廢視之僵卧如死人其脉洪實調勻此本
倒靨逆症幸脉洪實不疾不徐今棄症從脉治之若
得壞瘡復起新痘復出人事清爽飲食如常則無事

矣乃用升陽散火湯加黃芪當歸木香清皮連進三劑初三日復出一層新痘舊者盡乾初五日出盡周匝一身乃漸甦省能言求飲食依期起發至十三日靨后以十全大補湯調理謂痘倒靨必歸腎今幸愈尤當防目疾宜預解之不聽半月后左目痛不能開果喪明

柴氏婦二十七歲痘甚密膿成時鼻準先乾口此症凶也不可治問故曰起發未透膿漿未熟不當靨也况

收靨自有次第形色亦殊先自口唇兩傍收起漏漿
堆膿面瘡皆然自項而下則成疔殼今痘未熟面靨
乃倒陷也自鼻先收失其序也不漏漿者乾枯也后
三日死

痘毒

徐仲光治一兒漿足為穢氣觸倒靨焦黑四肢腫痛幸
其能食便調正不留邪必發癰也用內托解毒之劑
而愈

一兒七朝痘順有行漿之勢兩臂臃腫大如瓜幸能食便調此少陽經虛毒滯不散也補其陽而腫自愈用參芪甘桂歸芍陳苳羌活人中黃治之漿足腫漸消而愈

一兒痘症相同不補漿雖滿痂腫處成膿竟損一目

一兒五朝兩臂腫痛用解散藥而漿不充毒不退反寒戰作痒危甚此急治其表而失於補托也保元湯加丁桂朮橘治之漿足而痂后以托解藥其毒成膿而

愈

一痘密而內強過於補益而生癰腫煩燥口渴便秘以
三黃丸利之再用清解之劑調理腫消而愈

一兒患痘癰於小腿歲餘尚潰腐不能收口此至陰之
下無陽氣充拓膿血既久氣寒虛弱宜補助元氣千
金內托散加牛膝檳榔土茯苓首烏潰出一嫩骨漸
收口而愈蓋毒久不散凝結骨中與地四生金之義同
一兒痘毒流注四五個於肩臂痂如麩薄少神粘著不

脫此氣血不足也十宣托裡散外用針刺破又玉龍膏鐵箍散圍吸筒吸膿而愈

一痘毒出清水六脉微弱元氣虛寒保元湯加桂附白朮調理而愈

一痘大腿腫痛此毒火鬱於肉分丹腫也用歸芍丹地翹芷木瓜大黃

一耳后赤腫結核寒熱頭疼體痛此感冒不正之氣所結乃時毒也十神解毒湯治之而愈

一痘漿雖滿而四肢清薄水痂薄如麩十二朝兩肩臂
腫痛有謂餘毒而用養血解毒而倦怠毒亦不退此
陰虛而毒滯不化也宜大補氣血而兼解毒得氣血
調暢則毒歸一處成膿而化矣四君子湯加陳芍歸
芷羌翹銀花大劑加減調理而愈 此症若專用解
毒致傷脾胃而瀉嘔厥冷耗散真元者附子理中湯
加肉果木香得肢熱疼腫又四君子湯加金銀花黃
芪白芷而愈若專解毒而不固元氣只以圍藥敷塗

腫雖退而毒內蘊非損手足必腹脹喘急而死矣

萬密齋治周氏女出痘發熱五日餘未見痘出但背上發一腫毒曰不可治也非癰乃痘母也三日后果卒

張氏女痘起發止空殼此氣有餘而血不足則在肝經用四物湯小柴胡湯雖作膿亦未飽滿而收曰凡痘瘡不成膿或膿少者皆發癰毒此足厥陰肝病必發頂疽果然

施季泉口授一家傳秘方治痘后毒如神人參茯苓銀

花犀角各三錢甘錢五分羚羊角錢珍珠八分蜜九

每服一錢日一服

廣筆記

萬密齋治胡氏女痘不甚密亦不十分光壯飽滿素畏藥不肯服收靨時一片薄殼逆症也足膝發癰毒與藥一飲而盡曰病不可為也問故曰脾主味開竅於口經云口利則知五味其平素不肯服藥今一飲而盡是不知味而脾敗矣况臍膝乃脾所主脾敗則不能成膿或針之果然清水次日死

夏氏子痘后手足發癰面色黎黑精神疲困飲食且少
曰兒痘未得起壯收靨太急今發癰毒仍倒陷歸腎
也必不能成膿而死果然

一小兒痘后發癰用十全大補湯如連翹銀花治之愈
蓋其癰已潰故用是方凡潰癰以是治之無不愈者
一小兒痘后發癰用解毒內托散調理而安

蔡氏子痘后卵腫曰此厥陰肝病用小柴胡湯加青皮
木通查肉調理愈

費建中曰一兒痘止八十三粒或以輕緩之劑按日期規則投至十六日咸謂收效矣延至二十六日邀視則兩目張皇如臨白刃乾嘔不止愁楚非常陰囊兩旁有小毒桃核大隱於肌肉色且黑黯此餘毒悶馬者也辭勿治是晚即死

一兒半週痘甚稀顏紅活惟身熱如火漿后躁亂霎時收斂紅暈焮赤痂甚焦燥腰及環跳發兩癰如掌大硬如石腫如拳又小疔甚夥以必勝湯日二劑胭脂

調化毒丹貼之疔漸退癰亦膿潰以忍冬解毒湯加地丁當歸收效

痘腫脹

徐仲光治一痘后痂未盡脫遍身黃腫壯熱腹滿溺赤者乃脾胃素有濕熱而兼餘毒不盡也宜消積滲濕解毒以五補散加米仁連翹山梔竹葉防風白朮蒼朮厚朴茯苓一痘后浮腫皮薄而光手按成窟咳渴便瀉仍痘后飲食傷脾胃虛不能制水水漬妄行

浸漬脾土滲透脾膚故腫耳其喘咳者水妄行不能制火火盛刑金也又曰水氣上行侵肺最為難治其小便瀉者由金為火尅失其降下之令不能輸化也治宜補中行濕清熱利便之藥以實脾飲五脾散石千散治之 一痘后遍身發腫餘毒攻冲也以滿天星草同水楊根銀花馬蘭頭各搗汁和勻服滿天星葉如芫荽多生墻下陰濕之處 一痘后小便不利腰已下腫乃脾胃氣虛不能制腎水水溢下焦故也

當利小便以五苓散間服牡蠣散又六君加澤瀉

一痘后遍身赤腫發為赤遊風者乃餘毒不盡解而
又恣食煎炒辛熱之物熏蒸腸胃熱與血搏而然宜
犀角解毒湯 一痘后腮頰赤腫為避毒風者乃容
風畜於皮膚流注而為頑核赤色也內服解毒湯外
敷玉龍散 附一夏月痘漿足收靨溺赤短瀉外腎
膚囊赤腫通明乃膀胱熱甚毒氣流結於小腸以八
正散又化毒湯治之

萬密齋治一男子年二十餘甚密起發時腫異常面如錫餅形狀可畏喜其飲食如常大小便調安靜而腫或欲投木香散曰痘疹無疾不須服藥色白者痘出太多氣血不能周徧也數日后自收靨矣果然

一小兒痘甚密不甚起發面如錫餅食少而渴或欲投木香散曰兒無吐瀉裡虛之症不可用也乃以保元湯加當歸赤芍防風桔梗牛蒡調理而安

一婦人年二十四五痘甚密面腫甚身無完膚七八日

后眉心唇上有成血漿者或謂正當作膿之時曰未也面瘡帶赤猶是血色未曾化水遽爾成膿此惡候也后必潰爛而死果然

唐大尹子年十二痘靨后右肩發紅腫非毒也或以針刺之其手遂不能舉視之其手不痛但軟弱無力不能自舉必用左手持之乃能舉此血熱氣虛也蓋肝主筋資以養寒則縮熱則脹惟補氣養血則愈用參朮草芎歸芍川斷木香桔梗苈仁防風為末山藥

糊丸服半月而愈

一小兒痘后洗浴面目一身俱腫此水氣也用四君子湯以補脾去濕加黃芪以實表防風以勝肌表之濕麻黃以逐脾間之水一服腫減半再以錢氏異功散加猪苓澤瀉而安

痘倦怠

徐仲光治一痘后煩熱喘脹便溏溺赤嗜卧此暑傷氣分清暑益氣湯而愈

一痘便溏食少嗜卧亦脾胃虛也六君子湯加香棗仁而愈

痘嗜卧

徐仲光治一痘后嗜卧煩熱喘滿溺赤便溏時值長夏脾胃不足之故用清暑益氣湯治痘后倦怠嗜卧便溏減食皆由胃虛不能生氣脾虛不能生血運令不行化工失職宜六君子湯加棗仁木香一痘后嗜卧呼之不醒晝夜皆然乃氣虛脾弱清氣不能上

升也以五味異功散加歸芍又與歸脾湯愈 一痘
后炎暑嗜卧怠惰食少口燥咽乾肌膚枯瘁乃脾胃
虛元氣弱不能實四肢充肌膚而潤皮毛也况值長
夏熱傷元氣以補中益氣湯合生脉散治之

萬密齋治一小兒痘后發熱不止食少喜睡又黑黯乃
痘毒內陷也因問其膿水必清痂皮必薄果然不成
膿不結疤但水出皮脫而乾曰凡痘初出壯熱昏睡
常候也今既收則當邪盡正復熱退食加神爽乃俱

不然不可治也后忽昏冒死

痘羸瘦

徐仲光治一痘煩熱口渴能食易化不作肌肉此氣血
虛乏心火亢而上乘也經曰火炎上則土燥多食亦
飢虛治宜氣血兼補單日服五味異功散加黃連木
冬知母雙日服四物湯亦有治之不應為毒火爍陰
津液枯涸而死 一能食枯渴肌肉不長精神憔悴
脈來乘緩此乃脾胃不足東垣曰胃伏火邪於氣分

則能食脾虛則肌肉削又曰脾胃虛寒則元氣不足
以補中益氣湯加黃連 一能飲食易飢不長肌肉
此因胃陽有餘脾陰不足故胃食善消內經曰二陽
結謂之消二陽者胃與大腸也以小異功散加黃連
白芷治之以瀉二陽之熱也 一痘后面白唇赤肌
肉羸瘦皮毛枯槁潮熱往來雖食易化乃疔勞之候
皆由痘后飲食不節脾胃過傷東垣曰脾胃虛弱則
元氣下流陰火上乘其土位治宜健脾為主而兼以

清熱之劑則脾土固氣血滋生諸症自平以歸芍四
子湯加石斛麥冬地骨皮銀柴胡等劑又六味地黃
丸加參朮當歸枸杞子五味子間服異功散 一痘
后面白無精光口氣冷少食羸瘦乃胃氣虛之候以
六君子湯治之 一痘如前兼以便溏脹漏即用六
君加炮薑木香 一門命火不能生土而成是症者
用六味地黃丸 一痘后漸黃瘦面腫身熱肚大吃
泥吃米此由痘后飲食傷脾愈而復傷乃脾疳之候

也治宜養正而積自除以肥兒丸治之

續名醫類案卷四十一

欽定四庫全書

續名醫類案卷四十二

錢塘魏之琇撰

小兒疹

孫文垣治僕子孫守以麻

即瘡子

咳嗽無痰上唇厚腫體

熱大便秘聲啞

燥火為患

以麥冬知母瓜蒌甘草白芍桑

皮

是症宜去白芍桑皮入牛蒡桔梗

地骨皮石斛枳殼服后嗽減其

七乃去瓜蒌枳殼以其大便已澹加生地當歸苡仁

調理而安

程氏子七歲中麻

西吳呼為瘡子
姑蘇呼為沙子

一月餘矣發熱如故

咳嗽聲啞肌削骨立頭髮盡禿衆醫束手孫見之曰

若謂此兒不治耶此麻后虛熱成疔以大蘆薈丸治

之可萬全也病家初不余問者謂非幼科專門也不

知此特大方家餘事耳

可改韓詩曰餘事作兒科然
方脈不知兒科者必非良手

為製藥與之未服盡而病瘳

呂東莊治錢氏子五歲病診泄瀉兒醫謂瘡最宜於瀉

不復顧忌以清火為急寒涼縱進

若服前
縱字

病勢殊劇

呂視之面色兩顴嫩紅

虛陽
上浮

時咬牙喘急

上

口渴甚

飲水不絕

陰虛
液燥

脉洪緩如平壯人曰脾急矣速投人

參白朮當歸黃芪陳皮甘草茯苓木香以救之一劑

覺安或阻之曰誤矣小兒有專門豈可令腐儒治之

吾所聞瘖病以發散清涼解毒為主今半身瘖潮熱

未退而用溫補必不救矣

無真知而參朮議最
能誤人知者慎之

其家

懼遂不敢再服間三日其父復來見曰諸症復如故

如何呂曰豈有是理哉君戲我耳曰日來實不服君藥乃述其故呂曰君試急歸兒天柱骨倒矣別去頃之馳至曰果如公言奈何急服前方何如呂曰前方救虛也今加寒矣非桂附不能挽也曰顴紅口渴喘急飲水俱是熱症而公獨云虛寒何也曰陰竭於內何以不入生熟地陽散於外而寒涼復逼之也陽無所歸內真寒而外假熱此立齋所發內經微旨非深究精蘊者不能信也乃歸而違衆服之一劑而天柱直二劑

而喘渴止三劑起行嬉戲戶外

此由苦寒過劑故處方如是非一切小兒

皆可桂附也

馮楚瞻治沈氏兒發熱數日見麻疹纔一日面上盡沒神氣困極虺從口出不一而足數日不食下瀉上喘唇口焦裂五心壯熱手足指尖皆冷脉細數無倫兩尺更弱咸謂疹毒歸臟胃熱故虺連出也不知神氣欲脫五臟俱困脾虛不能納穀蟲無所食又兼虛火熏蒸臟腑燥熱蟲不安而出耳况諸斑疹多由內傷

失調脾胃不足是以榮氣逆行陰覆於外血盛氣壯則紅而焮發血虛氣弱則色白而隱伏有何毒之輕重乎面上退縮者陽虛不能升發也喘促者氣短難續也唇焦者脾津耗竭也五心壯熱者陰虧火燦也泄瀉不食者真火衰而脾不運也寸關細數尺弱者氣虛血虛虛火上浮而不藏也急則治標緩則治本今者之急本氣欲脫也倘謂麻疹餘毒解利清托恐神氣先盡矣乃以熟地六錢丹皮一錢麥冬三錢

牛膝二錢製附六分一劑假熱全消真虛畢露神氣
更倦此陰已少復當補氣以助其發生前方另煎人
參二錢沖服神氣漸爽喘促全安飲粥微嘔乃胃氣
久虛之故也再用前方加炒黃白朮二錢去丹皮參
湯沖服三四劑全愈

愚按此與呂症大同小異要是百中一二未可執
為程法也大抵麻疹之發本諸肺胃治之但宜鬆
透一切風燥寒熱之劑不可入也余常遇表散過

甚綿延不已者一以生地杞子地骨麥冬萸仁沙參等味三四劑必嗽止熱退而安

高士宗長男六歲次男三歲於元旦次日俱發熱見疹即用清透發之劑次日畧增十數點究不暢達心以長男七月而生先天怯弱問其胸腹寬否曰饑甚口味何如曰淡甚因知其虛遂投芪朮參甘桂枝紅花一劑次日透發遍身熱稍退而人情猶煩躁夜發熱頻咳嗽至一月而安由見點之初過服表劑虛其

經脉故也

由此成疔
勞者多矣

次男幼稚致問不能以上冬痰

喘服麻杏桂枝石膏一劑而愈謂其稟質畧強其疹

不透必寒凝毒甚因與蘇麻前杏黃芩石膏藥

大紅
錯

點不增又與紫蘇葱薑芫荽等熏之熨之疹總不出

所謂不知經候
混攻混表是也

同道俱云含透法並無別法

此等藥
豈止透

發而
已耶

至五六日吐虵或曰此熱極生蟲可服牛黃散

牛黃散即大黃末也一服而痰喘止神氣稍平却自

是不能言矣計無所施針百會穴開其瘡門服西黃

分許及諸单方

急則亂投藥餌

觀其形症實不能生友人張

衛生曰此大虛大寒症也今既無言又不能食恐無濟矣勉投參附究無挽回

經云一逆尚引年再逆促命期為醫者可不鑒諸汪氏子出瘡已三日自用前杏麻黃石膏藥一二劑瘡出二十點餘不能再增心胸煩悶乞高診高曰若再攻發則敗矣急與芎歸芪朮桂苓紅花一劑而熱退身安凡治疹調其氣血和其經絡寒涼攻發概置不

用則屢治屢效也

亦非定論蓋鑒前車而矯枉過正也

吳題先子甫二歲出瘡兒醫攻發不透高視之知其虛也曰若但發瘡瘡斷不出必至不保惟有溫補之劑

益其臟腑安其腸胃助其氣血方可

語無筋節則胸無卷軸可知

遂與芪朮薑桂歸芍苓甘銀花紅花諸味一劑而安次日仍用原方加人參一錢又連服獨參湯而愈

夏氏子出瘡色紫黯神氣不寧高曰此症大凶治須得法連看二次皆用溫散藥次早其家人走告曰口吮

蟲另有藥否曰昨二劑俱服否曰尚存一劑因與附

子八分令加入煎服自此遂無音耗心竊感之越三載至

其家

猶懷鬼胎

見其子長大因問昔年出瘡吐虵何由得

愈曰服藥后因無力相延仗天覆庇得以漸愈

語亦虛活

以上皆醫藥真傳 高宗

小兒疹

徐仲光治一兒身熱喘脹以內傷外感治之不效視其

背隱隱赤色乃疹也以麻黃湯表發雖出而頭面不

出隨沒而死

一兒疹身熱似痘候徧身報點沈虛明黃錦雲皆以為
虛也時黃綺雲年十二歲未知醫往視獨以為疹其
父詬之綺雲曰兒聞父言疹為肺胃風熱今兩鼻流
涕豈非疹乎已而果然后長遂為明醫 是以鼻涕
作疹者則早得其要領也

一兒疹出紫色喘嗽噦瀉不食用解毒飲挑痧法治之
而后愈

一兒疹出紫色便秘溺澀煩躁悶亂急以大柴胡湯利之而愈

一兒疹不易透知為風寒所遏用桂枝湯加葛根麻黃前胡升發之又用厚被裹之再以大劑防風湯熏於牀下而愈 此症亦可用芫荽防風湯浴頭面手足又芫荽芫荽酒夏之

一兒身熱頭疼骨痛咳嗽氣急嘔噦不食乃傷寒而兼山疹也以百祥散十神解毒湯治之愈 此症治之

小緩疹雖透必變紫黑悶亂喘脹而死

一兒疹出腹飽便秘乃內傷所發也以承氣下之而愈

一兒疹正出而恣食停滯腹飽便秘壯熱詰語急以大黃瓜萹枳實厚朴黃連甘草等藥利之而尚喘嗽脉遲肢冷以附子理中湯又歸芍六君湯治之而愈

一兒表散后疹出隱隱肌肉間成片又為風寒所鬱渾身青紫煩躁悶亂喘脹欲出不出急用麻黃桂枝湯加葛根以升發之得冷汗微出而愈

一兒疹半出壯熱煩躁喘脹悶亂乃出不透而內攻也
急以麻黃甘草桔梗前胡葛根荆芥牛蒡枳殼升發
之疹出二三番得盡透而愈

一兒疹隱不振頭面不出面色青白喘脹悶亂右寸脉
微此正氣虛也不能升毒急用麻黃桂枝湯加人參
一錢防風羌萎湯浴法治之而愈

一兒疹盡出而壯熱秘結喘脹詰語此毒壅猶不盡透
也急以黃連瓜蒌枳殼石膏桑皮知母人中黃等藥

治之而愈

一兒汗出疹透猶喘不止亦邪壅也急以炒黑麻黃加石膏杏仁甘草治之而愈

一兒疹時咳嗽喘急用大小無比散五分至一錢即喘定而睡醒后神安此熱從小便而解也

一兒仲春出疹用涼藥食生梨寒鬱而沒喘悶面青肢冷聲啞昏暈急以麻黃湯加葛根柴胡甘草桔梗紫蘇生薑升發之再覆以被取汗而愈

一兒疹發不出喘嗽煩躁悶亂繆仲淳用西河柳五錢
麥冬三錢五分牛蒡三錢五分蟬退荆芥薄荷知母
各一錢竹葉三十片甚者加石膏五錢冬米或三黃
治而愈

一兒疹雖出而喘反甚乃驟用麻燥烈之藥火甚而肺
火熱也宜清金潤肺以甘草桔梗前胡牛蒡杏仁元
參知母黃芩花粉治之而愈

賀知忍少子疹不透極重其家不知尚以肉飯與之仲

淳急以西柳兩許石膏一兩五錢知母五錢元參貝
母各三錢竹葉七十片作二劑服而疹盡現徧身皆
赤連服四服疹盡出而煩躁猶不止再以石膏三兩
知母西河柳各二兩麥冬三兩黃芩黃蘗黃連各五
錢竹葉二百片濃煎與服遂定而瘥

廣筆記

一兒寒月出疹不透喘脹悶亂煩躁用去節麻黃蜜炒
酒拌炒一錢葛根木麥冬貝母前胡知母荆芥元參
甘草西河柳一服而疹立透隨愈

一新婚出疹痰嗽不止咸謂餘毒用清解而痰愈多午
后咳甚此陰虛火熾而潮熱也用六味地黃丸料加
知母麥冬治之而愈

一婦新婚出疹其症如前用六味地黃丸料加當歸治
之而愈

一孕婦疹不出熱極悶亂喘脹用清熱安胎藥而熱愈
甚危劇慮子母難全此懷胎內熱故也法當下其胎
則疹熱解而母命可保矣以表散兼墮胎藥治之而

愈

一孕婦出疹觸動其胎胎墮而去血過多疹雖沒而煩躁喘悶昏絕乃血脫故也當兼益氣用理中湯而甦又用人參一兩當歸阿膠炮薑荆芥艾葉治之而愈

一孕婦出疹小腹痛而漏血此熱甚動胎也以升麻葛根湯加荆芥紫蘇黃芩白朮當歸川芎砂仁橘紅阿膠治之血止而安

一孕婦出疹熱極墮胎而難產用魚膠三寸燒存性麝

香一分共酒服立產遇此症最為難治更有橫生者
用魚膠一尺如前治法雖產而子不活

一產婦疹不易出熱甚而去血不止乃氣血不足不能
逐毒出外用麻黃葛根湯加人參荊芥白芷當歸
阿膠治之而愈

一婦疹后輕咳朝涼暮熱面色少神肌瘦唇赤咸以氣
血不足用八珍湯治之細訊其夫知不慎房用六味
地黃丸合生脉散與服之又囑其絕欲百日而瘳

柴嶼青治候補汪某年二十餘因感時氣出疹過服石膏等劑身熱泄瀉兩耳皆聾絕不思食脉之兩尺微弱舌上乾燥毫無津液本屬陰虧况大寒之劑不但傷陽亦且傷陰用麥冬五錢滋陰以清虛熱陳皮以和胃氣加西河柳一錢以清疹毒次日熱微瀉止舌亦覺潤惟左寸脉微洪加小生地二錢木通一錢菊葉一錢三日熱退思食因是月應選身軟耳聾慮不能過堂掣籤謂已平復十九日當投補劑定可全愈

后果如言竟得赴選

萬密齋治吳道松四肢病疹或治之三日疹不出煩躁甚欲用荆防敗毒散曰此皆發熱之藥無解毒之用况天大熱又無時令之藥一二味在內則陽愈勝陰愈虧陰陽不和此疹之所以不出也以東垣涼膈散加元參升麻一服疹出三日起

甘氏子發熱疹三日不出身涼神倦坐卧不寧此毒不外出毒火內伏也故煩而坐卧不安用升麻葛根湯

加麻黃石膏以發之一服疹盡出色白不紅此血虛也
也用四物湯加防風一服色紅而愈

楊氏子疹后痢下解血用當歸稍生地白芍條芩炒黃
連炒人參生甘草枳殼烏梅而愈凡出疹利血者此
方皆效

錢乙診睦親宮中十大王瘡疹云曰瘡疹始終出未有
他症不可下但當用平和藥頻與乳食不受風冷可
也如瘡疹三日不出或出不快即微發之

鼠粘子
湯之類如

瘡發后不多出即加藥

如一日一帖即加至二帖

加藥不出即大

發之

升麻葛根羌活防風獨活麻黃桂枝之類

如發后不多及脉平無症

即瘡本稀不可更發也有大熱者當利小便小熱者

當解毒

利小便四聖散之類

若不快勿發勿下攻止用抱龍治

之瘡若起能食者大黃下一二行即止有大熱者當

利小便有小熱者宜解毒若黑紫乾陷者百祥丸下

之不黑慎勿下身熱煩躁腹滿而喘大小便濇面赤

悶亂大吐此當利小便不瘥者宜宣風散下之也若

五七日痂不焦是內熱氣蒸於皮中故瘡不得焦痂也宜宣風散導之用生犀角磨汁解之使熱不生必著痂也

睦親宮十太尉瘡疹衆醫治之王曰疹未出屬何臟腑一醫言胃氣熱一醫言傷寒不退一醫云在母腹中有毒錢氏曰若言胃氣熱何以乍涼乍熱若言母腹中有毒屬何臟也醫曰在脾胃錢氏曰何以驚悸皆無以對錢氏曰夫胎在腹月至六七則已成形食母腹

中穢液入兒五臟食至十月即穢液滿胃至生時兒口猶有不潔產母以手拭淨則無疾病俗以黃連豕粉下其邪糞之穢此亦知不潔餘氣入兒臟中本先因微寒又遇風寒邪氣相搏而成痘疹也未出欲作之時熱動五臟則五臟之症先見初欲病時先呵欠煩悶驚悸乍涼乍熱手足冷面顯頰赤燥咳嗽噴嚏者此五臟症俱見也吹呵欠頓悶者肝也時發驚者心也乍涼乍熱手足冷者脾也面赤顯頰咳嗽噴

嚏者肺也惟腎無候以在腑下不能食故也凡瘡疹
乃五臟毒若出歸一症肝水泡肺膿泡心為斑脾為
疹腎雖無症其后惡者瘡變倒靨而黑陷則歸腎也
此由不慎風冷而不能食內虛所致也今太尉疹子

無他症當用平和藥為治因用抱龍丸數服愈

海藏云本

先因微寒入一句并由不慎風冷而不能食內虛
一句勿認作寒症用抱龍丸即知斑疹多熱也

吳橋治姪孫始孩累日發熱蒸蒸驚搐憤眾醫不知
所以橋曰麻也寒邪外乘閉而不出是呱呱爾飲藥

已數中氣乃傷藥不足恃也當置沸湯一瓶撤其蓋
令保母抱子坐湯側稍遠擁被圍之湯氣自遠薰蒸
少飲藥內托麻出而解后汪氏子病如子亦用嚮法

並效

太函集

薛立齋治一小兒患疹作痛發熱煩渴欲服清涼飲下
之診其脉不實舉指不數此邪在經絡也不可下遂
用解毒防風湯二劑而愈此症小兒多患之須審在
表在裡及邪之微甚而治之王海藏曰前人云首尾

俱不可下者何也曰首不可下者為斑未見於表下則邪氣不得伸越此脉症有表而無裡故禁首不可下也尾不可下者為斑毒已顯於外內無根蒂大便不實無一切裡症下則斑氣逆陷故禁尾不可下也一兒作痒發熱以消毒犀角飲一劑作吐瀉此邪氣上下俱出也毒自解少頃吐瀉俱止其症果消吐瀉后脉見七至此小兒和平之脉也邪已盡矣不須治果愈潔古云癩疹之病其為症各異發焮腫於外者屬

少陽三焦相火也謂之斑小紅靨行皮膚之中不出者屬少陰君火也謂之疹凡顯斑症若自吐瀉者慎勿亂治而多吉謂邪火上下皆出也斑疹並出小兒難禁是以別生他症也首尾不可下大抵安裡之藥多發表之藥少秘則微疎之令邪氣不壅併令其次第出使兒易見也身溫暖者順身涼者逆

沈明生治沈翰臣婦咳嗽發熱或認為不足遽用六味地黃湯以滋陰分既而咳逆更劇疹之脉浮且數風

熱干乎肺家宜用疎表之劑服下遍身發出紅疹二劑嗽差緩而猶未透更用辛涼等味以清表熱忽復作瀉不已咸歸咎寒涼沈笑曰非也肺受風邪邪變為熱經云邪并於陽則陽熱而陰虛始則疹在欲出未出之際火上炎於手太陽而作嗽今則疹在欲收未收之時熱下移於手陽明而作瀉是亦斑疹家常候曷足怪乎行且止矣果越兩日而嗽寧瀉止身涼疹退按斑疹之候雖異斑疹之治畧同是歲丁未濕

土司天而春夏之交燥旱殊甚蓋猶襲夫昨歲燥金在泉之餘氣耳是以初當涼解而不利于溫散次當寒潤而不宜於溫補六味地黃丸之屬雖若相宜然質濁味厚不惟不能達表抑且錮蔽外邪施諸疹退而餘熱未清之時稍為近理今初熱始嗽驟然用之是非滋陰乃滋害也況以丸為湯已非古人本意而專投泛用尤乖病變之機自來善用六味者無若薛立齋假使九原可作視近日之湯法盛行能無掩口

胡盧哉

續名醫類案卷四十二

欽定四庫全書

續名醫類案卷四十三

錢塘魏之琇撰

小兒 初生

程世光治憲王誕長子初生時不知吮乳程曰此因難

產兒傷氣也持人參煎湯灌半匙即吮

江西通志

一舟工生子脆而無皮程令取土數升摻其體即成肌

全上

太原王相公始生冷無氣母驚謂已死有隣媪徐氏者
反覆諦視良久笑曰此俗名卧胞生吾能治之當活
活則當貴但不免多病累阿母耳趣使治之其法用
左手掬兒右手攤其背百餘逾時噤下而醒後六歲
中痘公母嘗下樓謁巫見一白衣人長丈餘閒立凝
視若有所言母驚仆樓下以為不祥然竟無恙

蜀公
見聞

錄

兒生墮地不啼擊水瓢迫貓令叫即啼又俗稱不啼兒

為悶寂生旁人呼其父名父應兒即啼

物理
小識

有舟人生子無皮人莫能曉適吳門葛可久出醫眾告
之可久就岸畔令作一坎置兒其中以細土隔衾覆
之且戒勿動久之可久回啟衾視之已生膚矣蓋其
母懷娠舟中久不登岸失受土氣故也

與前程世
光案同

按危氏得效方云宜速用白早米粉乾撲候生皮
方止

小兒初生不飲乳及不小便用葱白一寸四破之以乳

汁銀石器煎灌之立效

方得

小兒初生下遍身如魚泡又如水晶碎則成水流滲用

蜜陀僧研絹羅內羅過乾糝仍服蘇合香丸

同上

小兒走馬牙疳

萬密齋孫周歲生走馬疳用尿桶底白塗刮下新瓦上

火焙乾五分五倍子內蟲灰三分鼠婦焙乾三分枯

白礬一錢共研末先用臘茶葉浸米泔水洗淨以藥

傅之神效名曰不二散

朱丹溪治走馬牙疳蠶退紙燒灰存性入麝香少許蜜和敷患處加白礬尤妙

治法

小兒 臍風

萬密齋治鄭斗門子初生五日不乳噴嚏昏睡萬視之曰此臍風病也一名馬牙疳小兒一臍

當是一旬之內

尤

急乃視其口中上腭有白泡如珠大者三四個用銀針挑去之斗門憐惜之情見於面去之未盡次日猶不乳有老嫗語以臍風之害乃速萬再治且問臍風

之病云何萬曰其病不可治者三臍腹腫脹大小便不通者名曰鎖肚口緊不開不乳不啼而時作搐者名曰禁風環口青色口唇緊撮名曰撮口令郎初病未至困也復以手法去其白泡而安又曰當何用藥萬曰數日之兒安能任藥雖有古方不敢用也曰然則奈何萬曰無害矣此病蓋初生時洗浴之後臍乾未落不謹視之為兒尿所浸及為風寒濕熱所侵之故宜急治之但見噴嚏多啼少乳即視其口中上膠

有白泡子成聚是其候也隨以手法刮去之以軟帛
拭淨其血則臍風不發矣若不知此則其泡流入腹
中或為鎖肚為禁風為撮口雖有神丹不能救也鄭
請詳記之以為育嬰之訓

小兒赤丹 即遊風

薛立齋治一小兒腿如霞游走不定先以麻油塗患處
砭出惡血其毒即散用九味解毒散一劑而愈

一小兒患之外勢雖輕內苦便秘此患在臟也服大連

翹飲敷神功散而瘥

萬密齋曰一小兒丹發於臉眼中紅腫手不可近三日

死

立齋治一小兒遍身皆赤砭之投解毒藥即愈 一小兒

遍身亦赤不從砭治致毒氣入腹遂不救此症乃惡

毒熱血蘊畜於命門遇相火而合起也如霞片者須

砭去惡血為善如腫起赤色遊走不定者宜先以生

麻油塗患處砭之以洩其毒凡從四肢起入腹者不

治雖云丹有數種治有數法無如砭之為善常見患
稍重者不用砭法俱不救也

莊斂之子未及三月乳母不善於養盛暑中擁衾令卧
忽患丹毒遍遊四肢漸延腹背倉皇來告予曰兒方
數月奈何苦之以藥急以犀角絞鮮梨汁磨服問故
曰犀角能解心熱而梨汁更能豁痰且味甘則兒易
服別疏方用荊芥穗牛蒡生地丹皮元參花粉薄荷
竹葉麥冬生甘草連翹貝母生蒲黃令煎與乳母服

之乳汁即湯液矣依法治之一日夜赤漸淡越日丹

盡退後率以乳母不戒患驚風而殤

廣筆記

馬銘鞠傳治下部火丹用蠶砂山梔黃連黃芩黃蘗大

黃石膏共末水調敷上立效切勿用芭蕉根又方用

黃連末密和雞子清調服馬云若遇抱頭火丹必砭

去惡血方效每用此法治人其不肯砭者多誤事

同上

立齋治吳刑部靜之子甫周歲患丹毒延及遍身如血

染用磁鋒擊刺遍身出黑血以神功散塗之查春田

用大連翹飲而愈 王國戚子未彌月陰囊患此如
前治之而愈金氏子不欲刺毒入腹而死河間云丹
從四肢起入腹者不治予嘗刺毒未入腹者無不效
一小兒患赤遊風先用羌活白芷散二劑又用加味道
遙散而愈後傷風熱起疔瘡搔破出水或用大麻風
藥十指拳攣膿水津淫先用秦艽地黃湯手指如常
又用易老祛風丸而瘡亦愈

小兒胎毒

萬密齋長孫生下遍身生瘡疥因製一方用烏梢蛇酒
浸去皮骨取淨肉焙乾一錢苦參酒浸切片曬乾取
末一錢半白蒺藜炒去刺一錢半三味為末酒糊丸
如粟米大每服十五丸竹葉煎湯下蟲疥滅迹不再
發矣

一小兒身生蟲疥醫用藥搽之瘡盡沒腹脹而喘求藥
於萬曰幸未發搗尚可治也乃與雄黃解毒丸竹葉
燈心煎湯下利黃涎瘡復出而安或問曰蟲疥不可

搽乎曰蟲疥者胎毒也宜用解毒之藥使毒散於外不可妄用搽藥逼之使反於內也搽瘡之藥必用砒礪水銀以殺蟲藥毒之氣乘虛入裡誤兒性命切宜慎之

一彌月小兒先於口内生瘡後延於身年餘不愈以土茯苓為末乳汁調服母以白湯調服月餘而愈

一兒生下一月後遍身蟲疥浸淫濕爛其皮如脫日夜啼忽一日其瘡盡隱發搐而死

馮楚瞻治其孫因母久患陰虛夜熱之症生下百餘日

遍體癩瘡

未必非其母妊時久服八味所致案見產難門

以生地當歸丹皮

赤芍草薢首烏銀花連翹土貝甘草鱉虱胡麻土茯

苓木通節大劑乳母日夜進服數十劑後濕熱下趨

兩足潰爛清水淋漓指甲皆脫乳母傍人近者莫不

傳染此先天熱毒之氣已盡出外矣後於耳後結一

大毒此陰虛無根之火凝聚也以八味加牛膝五味

煎湯數劑高腫潰膿而愈自後津液衰涸瘡靨乾枯

或愈或發防其內攻乃以羊肉四兩煎湯入生黃芪
四錢當歸二錢銀花三錢炒升麻四分薑三片棗二
枚煎與服不及十劑足瘡全愈升於頭項再服頭瘡
亦痊

劉禹錫傳信方云項在武陵生子蓐內便有熱瘡塗諸
藥無益而日益劇蔓延半身號啼不乳不腫用雞子
五枚煮熟去白取黃置髮中乃有液出旋取置椀中
以液盡為度取塗瘡上即以苦參末摻之果神效

本草

綱目

孫文垣治一兒耳後生一毒腫痛遍身生大庖瘡增寒
發熱與金銀花當歸尾甘草赤芍連翹僵蠶牛蒡元
參兩劑而消

薛立齋治一小兒自脫胎時兩目赤腫或作痒或生翳
此胎內之肝火也用蘆薈六味二丸而愈

萬密齋治一兒五歲每至春時則遍身生膿泡瘡此胎
毒也戒用搽藥恐粉砒之毒乘虛入腹以胡麻服之

而愈

黃州李四守生子五月遍身濕疥一旦盡乾萬曰瘡出驚止始無憂也連更數醫不能治

立齋治梁閣老孫甫周歲項患胎毒俟其有膿刺之膿出梳許乳食如常用托裡藥月餘而愈靳閣老子亦患此待膿自出幾至不救吾鄉徐內翰子患痘者及時針刺毒不內侵數日而愈小兒氣血弱膿成不針鮮不斃矣

小兒乳病

張子和治一小兒寐而不寤諸醫作睡驚治之或欲以艾火灸之或以大驚丸及水銀餅子治之其父曰此子平日無疾何驟有驚乎以問張張診其兩手脉皆平和曰若驚風之脉當洪大而強今則平和非驚風也乃竊訊其乳母爾三日前曾飲醉酒否遽然笑曰夫人以煮酒見餉酒味甚美三飲一罌而睡陳酒味甘而戀膈酒氣滿乳兒亦醉也乃剉甘草葛花砂仁

貫仲煎汁飲之立醒

萬密齋治本縣胡正衢子二月發熱不乳萬視之雖似變蒸非變症也時乳母皆肥健者必因傷乳發熱也令損之次日熱退而安

李立之治一嬰兒忽患瘡求治立之令以衾裹小兒乘高投之地兒不覺大驚遂發聲能言問之曰此乳搗

心也非藥石所能療其術之高大率類此

杭州府志

一小兒九

疑候

歲吐乳便黃身有微熱萬曰此傷熱乳也

吐作腥氣今已成積母曰未食熱物乃密語其父曰
必傷交媾得之問何為交媾曰父母交感之後以乳
哺兒此淫火之邪忤兒脾胃正氣也不治之必成癖
矣蓋淫火者肝火也病則發搐癖者脾病也積不消
則為癖矣宜瀉肝補脾乃與瀉火胃苓丸服之而愈
御史陳公忽小兒閉目口不出聲手足俱軟急延醫治
之獨孟友荆一見便云公子無病乃飲酒乳過多沈
醉耳濃煎六安茶飲數匙便醒御史撫掌大笑曰得

之矣可謂良醫

續金陵
瑣事

王三峯子二歲多病萬視之曰此乳少病也王曰兒乳極多萬不應遂行既而其母驗其乳媪果無乳也詢之晝則嚼飯以哺之或啖以粳果夜則貯水以飲之復求治曰欲使即換乳母則兒認慣不可換也若不使有乳婦人哺之則疾終難治也不若仍與舊母養之擇一少壯有乳者夜則相伴以乳補之久而慣熟自相親矣王曰有乳無乳治法異乎曰有乳之疴得

之傷乳乃飽病也宜集勝丸無乳之疳得之失乳乃
饑病也宜肥兒丸調理一月而安

陸養愚治姚明水兒甫一歲其母無乳乃以糕餅棗柿
哺之遂患疳積痢上則口舌腐爛下則膿血相雜治
療半載肉削如柴飲食少進醫謂上疳下痢睡不閉
目肛門如竹筒指紋已過命關不可為矣診之形脫
而神在以一指按其脉上浮數而微下沉微而數其
肛似外脫而非竹筒也比上越者不降下陷者不升

若升其元陽降其邪火猶可生也先與補中益氣湯
二錢以提其不足之陽又濃煎生脉散俟冷時時以
匙挑灌之間以孩兒茶冰片青黛人中白吹之二日
而減旬日全安

薛立齋治一小兒目睛緩視大便臭穢乃飲交感時乳
所致用四君子加木香藿香治之而安

小兒

變蒸

萬密齋治楚臬之子九月發熱恐是痘疹召萬往視之

非痘乃變蒸也曰何以辨之萬曰以日計之又當有
變蒸之期以症察之亦無痘疹之候曰痘症云何萬
曰痘者五臟之液毒也故每臟各見一症呵欠驚悸
心也項急頓悶肝也咳嗽噴嚏肺也吐瀉昏睡脾也
身體皆涼腎也今公子無之知非痘乃變蒸將退也
次日果安

小兒

喉舌滯頤

吳孚先治一小兒咽喉忽腫脹痛甚米飲湯水不下危

甚吳曰此名鎖喉風以銀針刺少商然二穴出血其
喉即寬與之茶即下咽無苦飲食遂進

一小兒不時舌出以清涼藥治之不愈吳曰此名弄舌
與吐舌不同薛新甫云吐舌者脾經實熱而舌長出
也弄舌者脾經虛熱時舒時斂也照新甫成方用異
功散加釣藤鉤而愈

巢氏云小兒滯頤者涎流出而漬於頤間也此由脾冷
涎多故也脾之夜為涎脾胃虛冷不能收制其津液

故流出於頤也張氏溫脾丹主之一法百藥煎含嚙其涎自不出亦截法也益黃散亦治此症溫脾散亦

可

東垣
十書

萬密齋外孫滿口生瘡咽喉唇舌皆是為製方用藥連一錢朱砂白礬五分鼠婦焙乾三分共研細敷之立效乃竒方也

一兒患口舌生瘡所搽所服皆苓連知藥之類無效曰心熱所作苦入心反助其熱宜無效乃作洗心散與

之一服而安大黃麻黃白朮當歸白芍荊芥薄荷甘

草等分水煎服更用藥連散搽之

仍用苦矣

一小兒舌上生瘡口唇破裂吮乳不得日夜啼哭求治
用洗心散入竹葉煎服以解其裡熱外用藥連散搽
之效

小兒舌

蔣仲芳治一小兒初患舌碎既而遍身發熱或謂傷風
停食與發散消導曰無益也服後果熱愈而湯水難

入乃以黃連五錢疑分煎湯徐徐與之終劑而愈問
故曰若先身熱而微舌碎則因風食發熱所致今先
舌碎知其心火亢甚加之身熱是內熱極而火外行
耳

小兒瘡

蔣仲芳治一小兒二三歲身熱驚悸易醫六七俱無寸
效一日忽作鴉聲少頃其音已啞魚口開張視之欲
哭狀惟眉頭稍皺終無音因以指探其口中唇乾

舌燥曰心熱欲言而不能果有之乎即以黃連黃芩
石膏麥冬五味山梔元參花粉知母甘草薄荷燈心
竹葉等剉一大劑煎成薄膏頻頻與之一晝夜而鴉
聲復出又一日而音始全而愈自後此法活人無數
大便三四日不行者加元明粉二三錢尤驗驚悸者
加金子同煎嗟乎世遇啞驚風俱棄之而不治孰知
唇乾舌燥終屬陽症此法甚善故記之



續名醫類案卷四十三